

經部

詳校官太常寺少卿臣陳桂森

通政使司副使臣莫瞻菜覆勘 總校官檢討臣何思的 校對官中書臣陸 **腾緑監生臣蔣**

湘

たこうないよう 周易集註卷 而三以成八卦又於八卦之上各變八卦以成六原陰見一陰一陽有各生之原故自下而上再倍 名易 有奇耦之數故畫一奇以象陽畫一耦以易書名計則伏義所畫也伏義仰觀俯察 來知德 撰

金贞四月百言 變陽也陰陽之理非交易則變易故以易名之 交於天也變易以流行言如陽極則變陰陰極 易以對待言如天氣下降以交於地地氣上騰以 排 兼三才而兩之皆因天地自然之數非聖人之安 以其書不可為典要惟變所適也夏易名連山首 陰極於六故聖人作易六畫而成卦六變而成文 也以易名書者以字之義有交易變易之義交 四卦六十四卦皆重而為六畫者以陽極於

欠已日華 白曲 乾元亨利貞 乾卦名元亨利貞者文王所繫之解以斷一卦之吉 不息非至健不能可者陽之數天者陽之體健者陽 凶所謂彖辭也乾者健也陽主於動動而有常其動 性如火性熱水性寒也六畫皆奇則純陽而至健 乾乾 上下 艮商易名歸藏首坤曰周者以其辭成於文王周 公故以周名之而分爲上下二篇云 周易集社

金牙巴匠有量 當大亨而必以貞處之方與乾道相合若其不貞少 文王言筮得此卦者大亨而宜於正固此則聖人作 有人欲之私則人事之當然者廢又安能元亨乎故 易經理數不相離因乾道陽明純粹無纖毫陰柔之 易開物成務冒天下之道教人以反身修省之切要 私惟天與聖人足以當之所以斷其必大亨也故數 矣故不言天而言乾也元大亨通利宜貞正而固也 元亨者天道之本然數也利貞者人事之當然理也

とこつ日 二十 初 畫卦者自下而上故謂下交為初初九者卦下陽交 九潛龍勿用 此周公所繫之辭以斷一爻之吉凶所謂爻辭也凡 之名也陽曰九陰曰六者河圖洛書五皆居中則 純以義理論方指為四德也蓋占卜不論天子不論 庶人皆利於貞若即以爲四德失文王設教之意矣 文王占卜所繫之解不可即指為四德至孔子文言 也學者能於此四字潛心馬傳心之要不外是矣此 周易集註 Ξ

地者地之二位也地二地四也倚者依也天一依 結果故止以生數起之過樣之數皆以此九六之參 兩 者數之祖也故聖人起數止於一二三四五參天两 而為六所以陰皆言六一二三四五者生數也六七 地而倚數參天者天之三位也天一天三天五也兩 三天三依天五而為九所以陽皆言九地二依地 九十者成數也然生數者成之端倪成數者生之 所以爻言九六也潜藏也象初龍陽物變化莫測 举 四

動厅四月全建

九三司奉 二 在女子則當愆期萬事萬物莫不皆然若不知象 乾而遇此爻之變者當觀此象而玩此占也諸爻做 也勿用者未可施用也聚為潜龍占為勿用故占得 賢人則當隱逸在商賈則當待價在戰陣則當左次 子則當傳位在公卿則當退体在士子則當靜修在 此易不似别經不可爲典要如占得潛龍之象在天 故六爻即以龍言之所謂擬諸形容象其物宜者此 亦猶乾道變化故象九且此文變異錯震亦有龍象 周易集註

九二見龍在田利見大人 金分四 可也 於卦下蓋龍之潜藏而未出者也故有潛龍之象龍 事矣何以彌綸天地此訓象訓字訓錯綜之義圈外 方是正意三百八十四爻做此○初九陽氣方萌 **水出潛則未可施用矣故教占者勿用養晦以待時** 爻止一事則三百八十四爻止作得三百八十四件 謂自下而上第二爻也九二非正然剛健中正本 Ţ 白量 賢遍反見

才爲人道大人之象也故稱太人所以應爻九五亦 乾之德故舊註亦以正言之見者初為潛二則離潛 如雜占則即今占卜利見貴人之類此文變離有 除小乾卦六爻皆陽故為大以三畫卦言之二於三 而出見也田者地之有水者也以六畫卦言之二於 曰大人二五得稱大人者皆以三畫卦言也利見大 人者利見九五之君以行其道也如仕進則利見君 才為地道地上即田也大人者大德之人也陽大 周易集註

九三君子終日乾乾夕惕若厲无咎 繼乾乾之象乃健而不息也終日是畫夕則將夜惕 為離離日在下卦之中終日之象也下乾終而上乾 德而居人道君子之象也故三不言龍三變則中 君子指占者以六畫卦言之三於三才為人道以乾 離隱之時而上應九五之君故有此象而其占則利 見大人也占者有是德方應是占矣 象故利見大人○九二以陽剛中正之德當出潛

鱼好四屋石漕

卷

こうこ 九四或雖在湖无谷 各〇九三過剛不中若有各矣然性體剛健有能朝 日乾乾夕惕若者言終日乾乾雖至於夕而兢惕 心猶夫終日也厲者危厲不安也九陽交三陽位過 憂也變離錯坎憂之象也若助語解夕對終日言終 夕兢惕不已之象占者能憂懼如是亦无咎也 操心危慮患深則終于不危矣此不易之理也故无 剛不中多山之地也故言厲无咎者以危道處危地 周易集社 六

九五飛龍在天利見大人 O九四以陽居陰陽則志于進陰則不果于進居上 湖此文變異為進退為不果又四多懼故或雖在淵 或者欲進未定之解非猶豫狐疑也或雖在淵者欲 五天位龍飛于天之象也占法與九二同者二五 皆 躍楯在淵也九為陽陽動故言躍四為陰陰虚故象 之下當改革之際欲進未定之時也故有或躍在淵 之象占者能隨時進退斯无谷矣

弘定四庫全書

上九元龍有悔 必不應利見之占矣 傅說是也下此如沛公之見張良昭烈之見孔明亦 而下應九二故其象占如此占者如無九五之德位 中位特分上下耳利見大人如堯之見舜萬宗之見 天曰人○九五剛健中正以聖人之徳居天子之 庶幾近之六畫之卦五為天三畫之卦五為人故 者最上一文之名元以产唐切人頭也以告浪 同易杂注

過于此則極而亢矣以時則極以勢則窮安得不悔 髙也吳幼清以人之喉骨剛而居髙是也益上而不 五飛龍在天位之極中正者得時之極乃在于此若復 能下信而不能屈之意陰陽之理極處必變陽極則 〇上九陽剛之極有亢龍之象故占者有悔知進知 分又盤而潜于湖此知進知退變化莫測之物也九 為物始而潛繼而見中而躍終而飛既飛于天至秋 生陰陰極則生陽消長盈虚此一定之理數也龍之

飲定四庫全書

シ・ラー・ 用九見羣龍无旨吉 此因上九亢龍有悔而言之用九者猶言處此上九 罔以寵利居成功皆無悔者也 退不與時倍極斯無悔矣伊尹之復政厥辟周公之 吉聲龍者潛見飛躍之龍也首者頭也竟為首凡卦 輔動而有悔矣到此何以處之哉惟見產龍無首則 之位也上九貴而無位高而无民賢人在下位而無 初為足上為首則上九即羣龍之首也不見其首則 周易集註

貞此用九用六之道也乾主知故言見坤主能故言 六所用我不能用六故至于戰惟見羣龍無首利永 居九而為九所用我不能用九故至于亢居六而為 陽發為陰剛變為暴知進知退知存知亡知得知丧 利永貞用易存乎人故聖人教之以此昔王介甫常 **陽極則教以見羣龍無首吉陰極則教以利永貞益** 無悔而吉此聖人聞遷善之門教占者用此道也故 不為窮災不與時候極乃見天則而天下治矣所以

敏定四庫全書

象曰大哉乾元萬物資始乃統天 **替經之解象之傳也故亦以象曰起之象者材也言** 茅犀之名不如只依孔子材之一字可也下文象曰 乾元亨利貞者文王所繫之解象之經也此則孔子 卜筮以教人也至于孔子之傳則專于義理矣故以 象字亦然易本占卜之書曰元亨利貞者文王主于 欲擊用九子亢龍有悔之下得其古矣 卦之材也後人解象者斷也又解豕走悅又解為 周易集社

銀定匹庫全書 哉嘆解乾元者乾之元也元者大也始也始者物之 元亨利自分為四德此則專以天道發明乾義也大 資生矣統包括也或元乃天德之大始故萬物之生 故統天天之為天出乎震而生長收藏不過此四德 皆資之以為始又為四德之首而貫乎天德之始終 始非以萬物之始即元也言萬物所資以始者乃此 四德之元也此言氣而不言形若涉于形便是坤之 而已統四德則統天兵資始者無物不有也統天者

A Donat Line 雲行雨施品物流形被好 大也此釋元之義 有是氣即有是形資始者氣也氣發洩之威則雲行 無時不然也無物不有無時不然此乾元之所以為 乾之亨施有二義平聲者用也如也設也去聲者布 隨造化以亨也雖物之亨通而其實乾德之亨通此釋 其機不停滯也雲行雨施者氣之亨品物流形者物 雨施矣品者物各分類流者物各以類而生生不已 周易集社

弘元四月 月書 大明終始六位時成時乗六龍以御天 運用也上文言統者統治綱領統天之統如身之統 成之終原始要終以為質也觀下句六位二字可見 陽有變化故曰六龍乘者憑據也御者御車之御猶 文有定位故曰六位六龍者潛與九之六龍六陽也 矣六位者六爻也時者六爻相雜惟其時物之時也 大明者默其也終謂上文始謂初文即初辭擬之卒 也散也惠也與也此則去聲之義

700 E 1.45 I 時則乗飛龍時當勿用聖人則勿用時當知悔聖人 成時來聖人時中發化行無轍迹之妙可也然言天 則知悔也來龍御天只是時中來六龍便是御天謂 而乾之六龍常在聖人運用之中矣學者當觀其時 之口来龍御天則是聖人一身常駕取乎乾之六龍 官六位時成者如位在初時當為潜位在上時當為 九也御天者行天道也當處之時則乗潜龍當出之 四體此節言御者分治條目御天之御如心之御五 周易集註

桑六龍以行天道則理即天也上一節專替乾元此 其道而天下化成皆此意〇言聖人點與乾道六文 成卦曰聖人感人心而天下和平恒卦曰聖人久于 參天地者惟聖人也故順卦曰聖人養賢以及萬民 終始之理見六文之位各有攸當皆以時自然而成 道而配以聖人何也益天下之理得而成位乎中則 則六陽淺深進退之時皆在吾運用之中矣由是時 一節則構理人知乾元六文之理而行乾元之事則

鱼 好四庫全書

- N. 10 - 10 - 10 - 1 乾道慶化各正性命保合太和乃利貞 亨也 聚而不散太和陰陽會合冲和之氣也各正者各正 **竹各得其宜即一身還有一乾坤不相倚附妨害也** 澤及于物足以為萬國咸寧之基本矣乃聖人之元 物所受為性天所賦為命保者常存而不虧合者愈 瘦者化之漸化者變之成各者各自也即一物原來! 有一身各有族類不混淆也正者不偏也言萬物受 周易集社

金坑匹庫全書 亨者至此告其終斂其迹矣雖萬物之利貞實乾道 之利貞也故曰乃利貞 太和生意隨在飽足無少缺欠凡資始于元流形于 物皆向實各正其所受所賦之性命至冬則保全其 有二也〇言乾道變化不窮固品物流形矣至秋則 合言則曰太和太和雖以氣言而不離乎理其實非 各正言則曰性命性命雖以理言而不離乎氣就保 于萬物向實之初保合者保合于萬物向實之後就

N. 1. 1. 1. 1. 1. 1. 1 泉曰大行健君子以自疆不息 首出庶物萬國咸寧 此成其功矣此則聖人之利貞也咸寧之寧即各正 萬國咸寧亦如物之各正保合也乗龍御天之化至 惟端拱首出于萬民之上如乾道瘦化無所作為而 保合也其文武成康之時乎漢文帝亦近之如不能 **乗龍御天乃聖人王道之始為天下開太平至此則** 各正保合則紛紜煩擾矣豈得寧 周易集註 +

少有一毫陰器之私以間之則息矣疆與息反如公 者問以人欲也天理周派人欲退聽故自疆不息若 用易之方也自疆者一念一事其非天德之剛也息 泉者伏羲卦之上下两泉周公六文所繫解之泉也! 箕子以之之以也體易而用之乃孔子示萬世學者 即暴辭之下即以象曰起之是也天行者天之運行 至健所以不息也以者用也有所因而用之之解即 日一周也健者運而不息也其不息者以陽之性

金定四库全書

という事という 見龍在田德施普也 潛龍勿用陽在下也 疆不息者在我之乾也上句以卦言下句以人言諸卦做此 陽在下者陽交居于下也陽故稱龍在下故勿用此 與私反自僵不息猶云至公無私天行健者在天之乾也自 德即剛健中正之德出潛離隱則君德已著周遍于 坤初日陰始凝扶陽抑陰之意見矣 以下舉周公所繫六文之解而釋之乾初曰陽在下 周易集註 +四

飛龍在天大人造也 金是四万人 或躍在淵進无咎也 終日乾乾及復道也 量可而進適其時則无咎故孔子加一進字以斷之 來而不已者無非此道而已動循天理所以處危地 而無各道外無德故二交言德 物故曰德施垂施字如程傅作去聲 反復猶往來言君子之所以朝夕兢惕汲汲皇皇往

次との事をい **元龍有悔盈不可久也** 用九天德不可為首也 言大人之事乃位乎天德一節則見其非無德而據 尊位四意自别 此陰陽盈虚一定之理盈即亢不可久致悔之由 在天下同聲相應一節則言利見大人上治一節方 天作而在上也大人釋龍字造釋飛字此止言飛龍 造作也言作而在上也非制作之作大人龍也飛在 周易集社

金灯匹匠 貞者事之幹也長丁大反 文言曰元者善之長也可者嘉之會也利者義之和也 其九者剛而能桑有羣龍無首之象則吉矣天行以 孔子於象象既作之後猶以為未盡其盤也故又設 下先儒謂之大象潛龍以下先儒謂之小象後做此 也言周公文解用九見羣龍无首吉者何也以天德 不可為首而見其首也益陽剛之極元則有悔故用 天德二字即乾道二字首頭也即見羣龍無首之首 J. Talle J. 1. 1. 1. 義以人心言之義為天理利為人欲此以利欲而言 者自理之顯著亨通而言即在人之禮也嘉美會聚 言也元大也始也即在人之仁也仁義禮智皆善也 亨利貞有在人所具之元亨利貞此則就人所具而 但仁則善端初發義禮智時所從出故為善之長亨 也就道所包者廣有在天之元亨利貞有聖人之元 文言以明之文言者依文以言其理亦有文之言辭 三千三百左準繩右規矩乃嘉美之會聚也利有二 周易集註

多定匹库全· 去是也知者知之意也惟知事親從兄正之意也弗 去固之意也故真即吾性之智幹者蓝幹也木之身 也以天理言之義者利之理和者義之宜以合宜而 此各得其當然之分不相垂戾此利也乃義之和也 築墙两旁木制板者為蘇從木此字則從干元就其 也其義意則能事也如木之身而枝葉所依以立也 貞有三意知也正也固也如孟子所謂知斯二者弗 言也故利即吾性之義義安處即是利也如上下彼

とこうことことう 君子體仁足以長人嘉會足以合禮利物足以和義貞 固足以幹事 體者所存所發無不在于仁一身皆是仁也能體其 實 伙 也此四句說天德之自然下體仁四句說人事之當 各歸分願而言貞就其理之確實而言名雖有四其人 理之發端而言亨就其理之聚會而言利就其理之 理而已好天下之至公而無一毫人欲之私者 用易集註 ナと

金好四庫在書 嘉美馬此之謂嘉嘉美會聚于一身則動容局旋無 善之長在我矣下三句做此嘉會者嘉美其會聚于 不中禮自有以合乎天理之節文人事之儀則矣益 其聚會必至善恰好皆天理人情自然之至而無不 來酬酢未有单行獨坐而可以行禮者此之謂會然 克君克長之長益仁者宜在高位也既足以長人則 仁則欲立欲達無所住而莫非其爱自足以長人矣長者 ,身也禮之方行升降上下進退屈伸辭讓換受往

RAJO NOT VI AMO I 無不和矣固者堅固不搖乃貞之恒久功夫也益事 有不齊然各有自然之定理故能處物得宜而不相 能合禮不相妨害之謂利利則必和無所乖戾之謂 妨害則上下尊卑之間自恩義治決無所乖戾而義 者義之體義者物之用乃處物得宜之謂也物雖萬 和和則必利蓋義公天下之利本有自然之和也物 三千無一事而非仁若少有一毫欠缺非美會美安 周易集社

此理在日用問隨處充足無少欠缺禮儀三百威儀||

君子行此四德者故曰乾元亨利貞 動分四個人 貞或貞而不固皆知不能及之是以不能擇而守之 所以貞固為智之事 故非至靈至明是非確然不可移易者决不能貞固 為依據也亦猶水有幹而枝葉可依也凡事或不能 有未正必欲其正事之既正必守其正此貞固二字 之義也自而又固故足以幹事幹者事之幹也賴之 故曰古語也行此四德即體仁嘉會利物貞固也行

していり ラーハトラー 達之確乎其不可拔潛龍也 初九日潛龍勿用何謂也子曰龍德而隱者也不易乎 世不成乎名逐世无悶不見是而无悶樂則行之憂則 此四德則與乾元合其德矣故曰乾元亨利貞所以 聖人神明不測故曰龍德隱在下位也易移也不易 如屈原漁父見而問之揚雄法言用或問皆祖于此 初九日潛龍勿用何謂也此文章問答之祖也後儒 明君子即乾也 周易集註 1-

都定四個有電 長不求知于世以成就我之名也逐世無問者不見 之類是也違者背也言不以拂逆為事皆置之度外 之類是也事有拂逆不者則順適而背之伐木絕糧 乎世者那世不能亂不為世所移而能拔於流俗風 而十之十後不見之意如因于陳葵稍接琴而歌是 用于世而不問也不見是而無問者不見信于人而 靡之中也不成子名者務實不務名有一才一藝之 不悶也事有快樂于心者則奮然而行之忘食忘愛

No. 17 West Les dates 碓乎其不可拔而隱也龍德而隱此所以為潛龍 也 用也言堅確不可舉用也益不易乎世六句龍德也 龍德何以有此拔者耀也舉而用之也不可拔即勿 樂則行憂則違憂樂皆無與于已而安于所遇矣非 如太虚浮雲皆處之泰然無意必固我之私此所以 是以日用之間莫非此道之游行凡一切禍福毀譽 也益不易乎世而不為世所用不成乎名而不為世 所取則必避世而不見信于人矣而聖人皆無問馬 周易集註

博而化易曰見龍在田利見大人君德也 者也庸言之信庸行之謹問邪存其該善世而不伐德 鱼出四月八十 九二曰見龍在田利見大人何謂也子曰龍德而正中 必信者無一言之不信也庸行必謹者無一行之不 謹也庸言庸行亦信亦謹宜無事于問那矣而猶閉 常也那自外入故防閉之誠自我有故存主之庸言 正中者以下卦言初居下三居上二正當其中也庸 乾卦六爻文言皆以聖人明之有隱顯無淺深

次足口事 CET 周易集註 也知至至之可與我也知然終之可與存義也是故居 子進德修業忠信所以進德也修解立其誠所以居業 九三曰君子終日乾乾夕惕若厲无各何謂也子曰君 言君德者明其非君位也 自滿不自以為善其信謹閉邪存誠猶夫其初也皆 純一不已之功也德博而化者言行為人所取法也 行愈信謹矣如此則其徳已威善葢一世矣然心不 邪存誠問邪存其誠者無一念之不誠也念念皆誠則發之言 テー

上位而不驕在下位而不憂故乾乾因其時而惕雖危 无咎矣 者守而不失也三文發則中文為異有進象又為兒 誠之初心之前動必有其幾幾微之際乃義之發源 也可與幾者幾有善惡許其幾之如此方不差也存 成就必見乎義免蹈之宜乃幾之結果處也與者許 處也義者事之得宜也方忠信修解立誠之後事之 幾與義非二事幾者心之初動也當欲忠信修辭立

復還其貞實之理所進之德自日新而不窮矣故所 德惟忠信而內無一念之不實則以不外馳而有以 理誠之涵于心者也人不忠信則此心不實安能進 然以何者為德業德業何以用功葢德者即貞實之 乾乾夕惕若者非無事而徒動也勤于進德修業也 以進德業者即貞實之事誠之發于事者也言不顧 上位象以六重卦論三居下在下位象〇君子終日 有言辭象又為離明有知象以三畫卦論三居上居 周易集註

其所以可與幾也其終也知德紫之所當終此事必 至即至之則念念不差意可得而誠矣幾動不差此 此心必有其幾當幾之初下此實心而必欲其至知 如哉亦知行並進而已益其始也知德業之所當至 進修固在于忠信修麟立誠矣然其入門用功當何 所居之業自居安而不遷矣故所以居業夫德業之 無一言之不實則言行相顧有以允蹈其負實之事 行則事皆虚偽安能居業惟修省其辭以立誠而外

弘安四库全書

1. 17:1 咎 九四日或躍在湖无各何謂也子曰上下无常非為邪 也追退无恒非雜羣也君子進德修業欲及時也故无 卑而不成雖危无各矣此君子所以終日乾乾也 又馬往而不宜哉故以之居上高而不驕以之在下 有其義見義之時行此實事而必欲其終知終即終 可與存義也如此用功則反身而誠德崇而業廣矣 之則事事皆當身可得而修矣義守不失此其所以 **副易集社** 1+1

銀定四庫全書 九五日飛龍在天利見大人何謂也子曰同聲相應同 字義元常无恒釋或字義非為那非離难釋无咎義 宜進退無常而非離羣也惟及時以進修而不干時 以行險此其所以无咎也上進釋躍字義下退釋淵 退而為見有恒者也恒即常字九四之位逼九五矣 而非為邪也以下退為常則離羣而德狐令去就從 以上進為常則與親而心邪令或躍或處上下無常 在田者安于下在天者安于上有常者也進而為飛

親本乎天者親上本乎地者親下則各從其類也 氣相求水流濕火就燥雲從龍風從虎聖人作而萬物 陰氣也虎嘯則風烈故風從虎然此時一物親一物 故火之然就之雲水氣也龍與則雲生故雲從龍風 也惟聖人以聖人之德居天子之位則三才之主而 于月之類是也濕者下地故水之流趙之燥者乾物 氣相求如日火之精而取火于日月水之精而取水 同聲相應如鶴鳴而子和雄鳴而雌應之類是也同 周易焦注

各從其類也如天在上輕清者也凡本乎天日月星 想其光所謂首出底物萬國咸寧而萬物旨親矣葢 不 陽故從其陽之類地屬陰重濁者屬陰故從其陰之 **蟲獸草木重濁成形者皆親之益天屬陽輕清者屬** 類陽從其陽故君子與君子同類而相親陰從其陰 辰輕清成象者皆親之地在下重濁者也凡本乎地 物之親而已也所以然者以天地陰陽之理皆

金完正庫全書 <

萬物之天地矣是以天下萬民莫不瞻仰其德而快

人在下位而无輔是以動而有悔也 上九日亢龍有悔何謂也子曰貴而无位萬而无民賢 2000 100 111 故小人與小人同類而相親然則以九五之德位豈 六龍之首故曰高貴非君非臣故曰無位純陽無陰 龍德之賢皆相從九五以輔相矣是以上九非不貴 故曰無民五居九五之位又有快觀之民九四以下 不利見同類之大人所以利見者以此 也貴宜乎有位而無位非不萬也萬宜乎有民而無 周易集註 Ĭ

金厅四届全書 終日乾乾行事也 見龍在田時舍也替去 潛龍勿用下也 第二節申象傳之意 言在下位也 舍止息也出潛離隱而止息于田也 無輔則離產孤立如是而動其谁我與有悔必矣此 民非不有賢人也賢人宜輔而其為之輔無位無民

大皇日后 八十二 或躍在淵自武也 飛龍在天上治也 **兀龍有悔窮之災也** 窮者亢災者悔 動矣 武可乃已之武非武其德武其時也非自武則必妄 非空憂傷乃行所當行之事也即進德修業也 居上以治下 周易集社

乾元用九天下治也 潛龍勿用陽氣潛藏 金好四届分言 君體乾之元用乾之九至誠惻怛之愛常派行于剛 此則專以人君言元者仁也即體仁以長人也言人 優優而天下治矣此第三節再申前意 陽在下也以文言潛龍勿用下也以位言此則以氣] 果嚴肅之中則張弛有則寬猛得宜不剛不柔敷政 用九見羣龍无首吉此周公教占者當如此也孔子

終日乾乾與時信行 見龍在田天下文明 雖在下位然天下已被其德化而成文明之俗矣因 天之健終日不息九三之進修亦與之偕行而不息 此文變離故以文明言之 字有音韻可知矣 以勿用此以下又聖人歌詠乾道之意觀其句皆四 言言陽氣潛藏正陰氣極盛之時天地閉賢人隱所

欠との事という

周易集註

主

金艺世在有事 九龍有悔與時 僧極 飛龍在天乃位乎天德 或躍在淵乾道乃草 德岩無德以居之者可謂之天位不可謂之天德之 故曰與時偕行 位也惟理人在天子之位斯可言乃位乎天德也 天德即天位有是天德而居是天位故曰乃位乎天 者離下內卦之位升上外卦之位也

Kill Charle by the College 乾元用九乃見天則 生之元而用之于秋殺之亢則是陰慘之後繼之以 當九極而我不能變通亦與時運俱極所以有悔 言秋分九舉于上而不能蟄也以春夏秋冬配四德 龍之為物春分而升于天秋分而蟄于淵口亢龍者 不過生殺而已春既生矣至秋又殺秋既殺矣至春 又生此天道一定自然之法則也令為人君者體春 元者春也利者秋也亢龍在此秋之時矣天之為天 用易集註

乾元者始而亨者也利貞者性情也乾始能以美利利 天下不言所利大矣哉 息品物不能派形矣是始者元也亨之者亦元也性 必齊乎異見乎離勢之必然也若不可通則生意必 見天則此四節又申前意 惟天下可治而天道之法則亦于此而見矣故曰乃 始而亨者言物方資始之時已亨通矣葢出乎震則 陽舒肅殺之餘繼之以生育一張一弛一剛一柔不

金牙四月日十

物皆有性情非必利貞而後見但此時生意未足實 者百物具足之理情者百物出入之機春作夏長百 見性情之的確故利貞者即乾元之性情也則利貞 嘉美亦無物不利賴也不言所利者自成其形自成 以美利利天下者元能始物能使庶物生成無物不 之未始不為元也乾始者即乾元者始而亨之始也 正性命保合太和一物各具一性情是收敛歸藏乃 理术完百物尚共同一性情至秋冬則百穀草木各 风易集註 子九

紫亦威大矣使造化可以言馬則曰此其之美利也 下者則乾元之能也夫以美利利天下其所能之德 非亨利貞之所能也惟元為生物之始以美利利天. 也惟自其乾元之所能者則可見矣益百物生于春 其性泯機緘于不露莫知其所以然也大哉贊乾元 之性情耳然何以知其无始即亨利貞即元之性情 而為一也言乾之元者始而即亨者也利貞者則元 也〇孔子于文言既分元亨利貞為四德矣此又合

金片四直全書

2.10 大哉乾乎剛健中正純粹精也六爻發揮旁通情也時 情者以此乾元之道不其大哉四德本一理孔子替 言也元本為四德之長故謂亨乃元之始亨可也謂 易或分而言之以盡其用或合而言之以著其體其 利貞乃元之性情可也所以謂乾元始而亨利貞性 庶乎可以各歸功于四德矣令不言所利人不得而 測之既不可得而測則是四德渾然一理不可分而 一理而已所以可分可合也 周易集註 丰

乗六龍以御天也雲行雨施天下平也 每一畫有一文解以發揮心也旁通者曲盡也如初 雜而良美也精者不雜之極至也總言乾德剛健中 以純粹精贊之情者事物至隨至動之情也發揮者 但就德之妙非一言所能盡故于剛健中正之外復 此四者乾之德也純者純陽而不雜以陰也粹者不 正之至極所謂純粹精者非出于剛健中正之外也 剛以體言健以性言中者無過不及也正者不偏也

銀完四庫全書

NA.JOIGH LILES 第五節後申首章之意 情乘六龍以行子乾之道雲行雨施以沛乎乾之澤 他澤流行敷布所以天下平也〇言乾道剛健中正 純粹以精乾道固大矣惟聖人立六文以通乎乾之 以至天下太平則乾道之大不在乾而在聖人矣此 甘該括曲盡其情而無遺也前品物流形乃乾之雲 之潛以至上之亢凡事有萬殊物有萬賴時有萬變 行雨施此言雲行雨施乃聖人来六龍而御天之功 周易集註

金岩四月在十二 見行而未成是以君子弗用也 君子以成德為行日可見之行也潛之為言也隱而未 意此二句泛論其理也潛者周公文解也未見者天 院而事業未成就也如伊尹耕于有華之時是也〇 地閉賢人隱院於潛之機會而未見也未成者因其 者未有有其行而不本諸德者故曰君子以成德為 德者時之本行者德之用益有有其德而不見諸行 行成德者已成之德也日可見者猶言指日可待之

君子學以聚之問以辨之寬以居之仁以行之易曰見 指日可見矣初九其德已成則日可見之行也而占 能者德所不能者時令初九雖德已成然時當乎潛 者乃曰勿用何也蓋聖人出世必有德有時人之所 用也 未成時位院之也是以占者之君子亦當如之而勿 也潛之為言也隱而未見也惟其隱而未見故行而 君子以已成之德舉而指之于行則其事業之所就

九月日日本山西

周易集註

幸二

龍在田利見大人君德也 金号四個人 講學也親師取友辨其理之精粗本末得失是非擇 中哉聚者多聞多見以我會聚此正中之理也辨者 其正中之善者而從之即講學以稱之也寬者優游 之中以生惟中庸不可能尚非學聚問辨有此致知 功夫寬居仁行有此力行功夫安能體此龍德之正 不過此至正大中而已葢乾道剛健中正民受天地 之者正中之理也龍德正中雖以文言然聖人之德 卷

たこの事心方 周易集社 驟欲見之于實踐則居之不安資之不深安能左右 守也據也仁以行之者無適而莫非天理正中之公 字以久遠言有從容不迫之意非專指包含也居者 貫通渣淖渾化無強探力索凌節欲速之患也益寬 居其所辨行者行其所居故必寬以居之而後方可 而無一毫意必固我之私也益辨者辨其所聚居者 厭飲勿忘勿助俾所聚所辨此理之畜於我者融會 仁以行之若學聚問辨之餘涵養未久粗心浮氣而 圭

九三重剛而不中上不在天下不在田故乾乾因其時 而惕雖危无谷矣 日重剛非陽文居陽位也所以九四居陰位者亦曰 重剛位非二五故曰不中即下文上不在天下不在 君德也 三居下卦之上四居上卦之下交接處以剛接剛故 者宜乎正中之德博而化矣曰君德者即前九二之 逢原而大公以順應哉此為學一定之序也有是四

金牙四座石量

之或之者疑之也故无谷 7/17:2 /.4.5 九四重剛而不中上不在天下不在田中不在人故或 在人謂三也四三雖皆人位然四則居人之上而近 業日修所以雖處危地亦無各矣 危懼之時也故九三因其時而兢惕不已則德日進 无各何哉益既重剛又不中剛之極矣以時論之益 九三重剛不中上不在天下不在田宜有各矣而乃 田也九三以時言九四以位言故曰乾乾因其時〇 周易集計 丰四

銀定匹庫全書 夫人人者與天地合其德與日月合其明與四時合其 君矣非三之不近君故曰不在人重剛不中之中 疑必審時而進矣所以无咎也 重剛不中上不在天下不在田中不在人宜有谷矣 五之中也中不在人之中六爻中間之中也〇九四 而乃无咎何哉蓋九四之位不在天不在田雖與九 近九五葢或之之位也故或之或之者疑之也惟其 三同而人位則不如九三之居下卦也所居之位獨

PORTO PER CONTO 序與鬼神合其吉山先天而天弗違後天而奉天時天 且弗達而况於人乎况於鬼神乎扶音 息無私之謂序禍福無私之謂吉山合序者如賞以 神者造化室覆載無私之謂德照臨無私之謂明生 者造化之主日月者造化之精四時者造化之功鬼 春夏罰以秋冬之類也合吉山者福善福淫也先天 毫人欲之私若少有一毫人欲之私即不合矣天地 合德以下總言大人所具之德皆天理之公而無一 周易集註 三五

金元四月 有書 我庸之之類雖天之所已為我知理之如是奉而行 與之類雖天之所未為而吾意之所為默與道其天 之而我亦不能違乎天是大人合天也葢以理為主 後天奉天時謂如天叙有典而我傳之天秋有理而 亦不能違乎我是天合大人也奉天時者奉天理也 于大人而况于人乃得天地之理以生鬼神不過天 不違如禮雖先王所未有以義起之凡制未耜作書 天即我我即天故無後先彼此之可言矣天且不違

亢之為言也知進而不知退知存而不知亡知得而不 人乎 知丧其惟理人乎知進退存亡而不失其正者其唯聖 進退者身存亡者位得丧者物消長之理知之既明 不失其正處之又當故唯聖人能之再言其唯聖人 地之功用雖欲違乎大人自不能違乎天矣乾之九 以其同徳相應也 五以剛健中正之德與此大人相合所以宜利見之 周易集社

銀定四庫全書 坤元亨利牝馬之貞君子有似往先迷後得主白利 西南得朋東北丧朋安貞吉 未見二句釋一潛字而言君子者再益必君子而後 始若設問而卒自應之見非聖人不能也初九隱 而 中前數節未盡之意 能安于潛也上九亢之為言三句釋一亢字而言聖 人者再益唯聖人而後能不至于元也此第六節復 句

貞利牝馬耳程子泥于四德所以將利字作句迷者 得同乾之貞此占辭也與乾卦元亨利貞同但坤 順為貞言如牝馬之順而不息則正矣牝馬地類 馬之貞與乾不同者何也益乾以剛固為貞坤以桑 健者也非順外有健也其健亦是順之健也坤利北 為乾之配北馬屬陰桑順而從陽者也馬能行順 陰而順之至矣故不言地而言坤馬象乾北馬取其 偶者陰之數也坤者順也陰之性也六畫皆偶則純 1. ! ... 周易作 11 ŧ 安 ň 刖

益造化之理陰從陽以生物待唱而和者也君為臣 三女同坤居之故為得朋震坎艮三男同乾居東北 氣始于西南而盛于西北西南乃坤之本鄉究離異 主夫為妻主後乾即得所主矣利孰大馬其理本如 此觀文言後得主而有常此句可見矣西南東北以 文王圓圖卦位而言陽氣始于東北而威于東南陰 而行則失其主而迷錯後乾而行則得其主而利矣 如迷失其道路也坤為地故曰迷言占者君子先乾

銀定四庫全書

. Ja. Jo . at 1.1. **彖曰至哉坤元萬物資生乃順承天** 至者極也天包乎地故以大對其天而地止以至贊 坤則受之交接之間一氣而已始者 氣之始生者 形 四德之元非就有元而坤復又有一元也乾以施 之 之益言地之至則與天同而大則不及乎天也元者 女之朋從子其陽則有生育之功是能安于正也安 則非女之朋矣故喪朋陰從其陽謂之正惟丧其三 于其正故吉 周易集社 ニナハ・

銀定四庫全書 坤厚載物徳合无疆含弘光大品物咸亨 坤厚載物以德言非以形言德者載物厚德含弘光 大是也無疆者乾也含者包容也以則是其所含者 昭明也大則是其所光者無遠不届以宣著而言 順故兩而水此釋卦解之元 無物不有以蘊畜而言也其静也翕故曰含弘光者 施之氣至則生矣故曰乃順承天乾健故一而施 之始萬物之形皆生于地煞非地之自能為也天 所

こうこ 君子假行先迷失道後順得常西南得朋乃與類行東 牝馬地類行地无疆桑順利貞 則順而不息矣此則柔順所利之貞也故利北馬 貞此釋卦解北馬之貞 地屬陰牝陰物故曰地賴又行地之物也行地無 釋卦解之亨 則不能發散也咸亨者齊乎異相見乎離之時也此 其動也開故曰光大言光大而必曰含引者不翕聚 1. 3. 周易集社 千九 疆

北喪朋乃終有慶安貞之吉應地无疆 女之朋能從乎陽則有生物之功矣終必有慶也何 異離紀三女同類而行耳未足以為慶也若丧乎三 若先乾而動則迷而失道得常者得其坤順之常 所往也失道者失其坤顺之道也坤道主成成在後 君子攸行即文王卦解君子有攸往言占者君子有 君子有所往也先則迷後則得西南雖得朋不過 後乾而動則順而得常○夫惟坤貞利在茶順是 與

銀定匹庫全書

象曰地勢坤君子以厚德載物 故下文曰厚天以氣運故曰天行地以形載故曰地 地勢坤且天地問持重載物其勢力無有厚於地者 西北高東南低順流而下地之勢本坤順者也故曰 也益桑順從陽者乃坤道之安于其正也能安于其 終有慶也此釋卦解君子有攸往至安貞吉 正則陽施陰受生物無疆應乎地之無疆矣所以乃 德載物者以深厚之德容載庶物也若以厚德 周易集註 四十

初六履霜堅沙至 到近四月全書 易為君子謀就言勿用即復卦閉關之義欲君子之 六群見乾卦初九霜一陰之象冰六陰之象方履霜 物無不載矣此則孔子未發之意也 而知堅冰至者見占者防殺杜漸圖之不可不早也 載物體之身心豈有他道哉惟體吾長人之仁也使 人得其願推而人人各得其願和吾利物之義也 一事得其宜推而事事各得其宜則吾之德厚而

象曰履霜堅水陰始凝也馴致其道至堅水也 六二直方大不習无不利 易舉正優霜之下無堅水二字陰始凝而為霜漸威 刷習因循漸致其陰道之盛理勢之必然也 習也道者小人道長之道也即上六其道窮也之道 難進也坤言堅水即始卦女牡之戒防小人之易長 必至于堅水小人雖微長則漸至于威則者擾也順

My Ty TOTA

周易集註

罕

金牙四月月十十日 内而直外而方此其所以大也不揉而直不矩而方 桑順中正也惟桑順中正在內則為直在外則為方 方直者在內所存之桑順中正也方者在外所處之 方之方也大字即含引光大之大也孔子彖解文言 直字即坤至桑而動也剛之剛也方字即至静而德 不恢而大此其所以不習也若以人事論直者內而 小象皆本于此前後之言皆可相証以本文論六二 得坤道之正則無私曲故直居坤之中則無偏黨故

象曰六二之動直以方也不習无不利地道光也 見己の事心馬 勉而中道也利者利有攸往之利言不待學習而自 故範剛健中正則飛龍在天坤桑順中正則不習無 然直方大也益八卦正位乾在五坤在二日聖人也 不利占者有是德方應是占矣 **目無不利者直者自直方者自方大者自大不思不** 天理為之主宰無邪曲也方者外而天理為之裁制 無偏倚也大者無一念之不直無一事之不方也不 周易集社 罕二

六三含章可貞或從王事无成有終 金に回る人 者自然而然不俟勉强故曰不習无不利光即含弘 坤為吝嗇含之象也剛柔相雜曰文文之成者曰 章 光大之光 之動直而無私事之動方而當理是也地道光者六 動也剛此則承天而動生物之機也若以人事論心 二之柔順中正即地道也地道柔順中正光之所發 以字即而字言直方之德惟動可見故曰坤至桑而

象日含章可貞以時發也或從王事知光大也好平 てこうき へこう 有美則歸之于君乃可常久而得正或從上之事不 意〇三居下卦之上有位者也其道當含晦其章美 終終之象也或者不敢自決之辭從者不敢造始之 占者如此 敢當其成功惟奉職以終其事而已交有此象故戒 陽位而以陰居之义坤為文章之象也三居下卦之 以時發者言非終于韜晦含藏不出而有所為也或 周易集註 野三

六四括囊无谷无譽 奇居下卦之上結囊上口之象也四近乎 君居多懼 坤為囊陰虚能受囊之象也括者結囊口也四變而 者益知地道之光大當如是也 從王事帶下一句說孔子小象多是如此知光大者 之地不可妄各妄譽戒其作威福也益譽則有逼上 地道也地道與臣道相同六三或從王事无成有終 正指其无成有終也葢含弘光大无成而代有終者

多分に月月十十

决定四事全書! 六五黄裳元吉 **暴曰括囊无咎慎不害也** 坤為黃為家黃家之象也黃中色言其中也蒙下飾 枯囊者慎也无咎者不害也 故其占如此 害矣〇六四桑順得正益慎密不出者也故有括 之象无咎之道也然既不出則亦無由稱替其美矣 之嫌各則有敗事之累惟晦藏其智如結囊口則不 周易集註 日七日

象日黄裳元吉文在中也 上六龍戰于野其血玄黄 言其順也黄字從五字來裳字從六字來の六五以 占則元吉也剛自有剛德桑自有柔德本義是 陰居尊中順之德充諸內而見諸外故有是象而其 坤為文文也居五之中在中也文在中言居坤之中 六陽為龍坤之錯也故陰陽皆可以言龍且變艮綜 也所以黄裳元吉

象曰龍戰于野其道弱也 次定四車至書 用六利永貞 上六陰威之極其道窮矣窮則其勢必爭至與陽戰 卦外野之象也血者龍之血也堅水至者所以防龍戰 震亦能之象也變良為到陰陽相剥戰之象也戰于 之禍于其始龍戰野者所以著堅水之至于其終○ 極則必窮理勢之必然也 两敗俱傷故有此象凶可知矣 一周易集註 里

文言曰坤至柔而動也剛至静而德方後得主而有常 象曰用六永貞以大終也 日じじん 此美其善變也陽大陰小大者陽明之公君子之道 始小人而終君子何大如之故曰以大終也 也小者陰濁之私小人之道也今始陰濁而終陽明 不為陰私所用則亦如乾之無不利矣 變陽矣但陰桑恐不能固守既變之後惟長永貞而 用六與用九同此則以上六龍戰于野言之陰極則

1-1-10 TO 1-1-10 含萬物而化光坤道其順乎承天而時行 數施之其生物之機不可止過屈挠此又茶中之剛 定體也坤固至柔矣然乾之施一至坤即能愈受而 而剛則能動静無形矣而方則有體柔静者順也體 無息者不可變為民蟲此又静中之方矣柔無為矣 鎔萬類各有定形不可移易有息者不可變為草木 矣乾動坤静定體也坤固至静矣及其承乾之施陶 動者生物所動之機德者生物所得之質乾剛坤桑 周易集社 野六

積善之家必有餘慶積不善之家必有餘殃臣武其君 金豆正库 全書 傅之意 含萬物生意于其中及其動闢則化生萬物而有光 **乾為主乃坤道之常也含萬物而化光者静愈之時** 亦不敢後時而不應此所以贊其順也此以上申彖 之與夫君亦惟聽命而已一施一受不敢先時而起 顧也坤道其順乎此句乃贊之也坤之于乾猶臣妾 也剛方者健也用也後得主而有常者後乎乾則得

べこうら した 子裁其父非一朝一夕之故其所由來者漸矣由辨之 不早辨也易曰履霜堅水至益言順也 之漸則禍不作矣順字即馴字則者順也即則致其 及于子孫所積者不善則災殃及于後世其大至于 言臣子也辨之不早責君父也辨察也在下者不可 弑逆之禍好積累而至非朝夕所能成也由來者漸 天下之事未有不由積而成家之所積者善則福慶 不察之于已在上者不可不察之于人察之早勿使 周易集註 琞

金员匹庫全書 直其正也方其義也君子敬以直內義以方外敬義立 而德不孤直方大不習无不利則不疑其所行也 謂也此六二直方之所由名也下則言求直方之功 人心惟有私所以不直如知其敬乃吾性之禮存諸 言葢言順也皆一意也程傅是 也方者何也言此事無差謬之失得裁制而宜之之 直者何也言此心無邪曲之私從繩墨而正之之謂 道也言順習因循以至于堅冰也前言馴致其道此

不方如知其義乃吾性之義見諸事者以此義為之 毫人欲之私則不期直而自直矣人事惟有私所以 大矣益敬之至者外必方外不方不足謂之敬不足 期方而自方矣徳之偏者謂之孤孤則不大不孤則 裁制必使此事物來順應而無一毫人欲之私則不 心者以此敬為之操持必使此心廓然大公而無一 謂敬是德之孙也義之至者內必直內不直不足謂 之義不足謂義是德之孤也今既 有敬以滔義之 體 周易集註 哭

金定四庫全書 陰雖有美含之或從王事弗敢成也地道也妻道也臣 間莫非天理之流行德自充滿風大而不孤矣何大 又有義以達敬之用則內外夾持表裏五養日用之 如之內而念念皆天理則內不疑外而事事皆天理 發于事業無所處而不當何利如之此所以不習无 則外不疑內外坦然而無疑則暢于四支不言而喻 進修者先于敬義乾坤二卦備矣 不利也乾言進修神言敬義學聖人者由于進修欲

卷一

次定四庫全書 本周易集社 道也地道无成而代有終也 敢有其成者非其才有所不足不能成也乃其分之 陰雖有美含之可以時發而從王事矣或從王事不 早者和之故地道也妻道也臣道也皆不敢先自主 妻君臣天統乎地夫統乎妻君統乎臣皆尊者唱而 之不敢成也何也法象其大于天地三綱其重于夫 終物地繼其後而終之則地之所以有終者終天之 也皆如地之無成惟代天之終耳益天能始物不能 四十九

蓋言謹也 天地變化草木蕃天地閉賢人隱易曰括囊无谷无譽 有終也六三為臣故當如此 所未終也地不敢專其成而有其終故曰无成而一代 此其所以隱也坤本陰卦四六重陰又不中則陰之 出而不隱可知矣若天地閉則賢人必敏德以避難 泰則草木之無知者且蕃沒況于人乎則賢人之必 天地變化二句乃引下文之解言天地變化世道開

へんうい ニュー 事業美之至也 君子黄中通理正位居體美在其中而暢於四支發於 當謹守不出者以此 通通之象也本文未發坤為文理之象也故六五小 豁然服絡之貫通無一毫私欲之滞塞也理者井然 黄者中德也中者內也黃中者中德之在內也通者 極矣正天地閉塞有陰而無陽不能變化之時也故 **文章之條理無一毫私欲之混淆也本爻既廢坎為** 周易焦註 **五**十

金是四庫全書 裳文之所以言裳者以此以人事論有居尊位而能 暢于四支為日新之德四體不言而喻者此美也發 議下之意此二句盡黃家之義矣又嘆而替之以見 于事業為富有之業天下國家無所處而不當者此 坤陰乃下體言雖在尊位而居下體故不曰衣而曰 此正位居尊位也體者乾坤之定體也乾陽乃上體 象曰文在中德之在內者通而且 理文之言黄者以 元吉之故言黄中美在其中宣徒美哉美既在中則 *

陰疑於陽必戰為其嫌於无陽也故稱龍馬猶未離其 類也故稱血馬夫玄黃者天地之雜也天玄而地黃 人夫音扶 智 者以此 美也不其美之至乎文之所以不止言古而言元古 矣本不可以稱龍而不知陽不可一日無也故周 疑者似也似其與己均敵無大小之差也陰本不 與陽戰今陰威似敢與陽敵故以戰言陰威已無陽 周易集註 可

周易集註卷一 以龍言之以存陽也雖稱為龍猶未離陰之類也 稱血以別其為陰血陰物也曰其色玄黃則天地之 展而不知天主地黄者两間之定分也今日 其 于無分别矣夫豈可哉言陰陽時傷也以

詳校官太常寺少卿也陳桂森

通政使司副使臣莫瞻菜覆勘 校對官中書臣陸 總校官檢討臣何思釣 騰録監生臣將

湘]

とこのは なるの 也天地生萬物也物之始生故次乾坤之後 物生馬盈天地之間者唯萬物屯者盈也物之始生學從中華徹初生革穿地也序計有天地然後萬屯者難也萬物好生勢結本通似有險難之意故其 周易集註卷二 CONTRACTOR OF 周易集社 來知德 撰

此元亨利貞勿用有攸往利建侯 乾坤始交而遇險陷故名為屯所以氣始交未暢曰 哀之才者故占者元亨然猶在險中則宜守正而未 相同也震動在下坎陷在上險中能動是有撥亂與 可處進故勿用有攸往勿用者以震性多動故戒之 屯物勾萌未舒曰屯世多難未泰曰屯造化人事皆 也然大難方殷無君則亂故當立君以統治初九陽 在陰下而為成卦之主是能以賢下人得民而可君 卷二

金分出山石

とこつる ここう 滿盈天造草昧宜建侯而不寧 彖曰屯剛柔始交而難生動乎險中大亨貞雷雨之動 也言萬物始生即遇坎難故名為屯動呼險中者言 以二體釋卦名又以卦德卦象釋卦解剛柔者乾坤 往之象震一君二民建侯之象 也始交者震也一索得震故為乾坤始交難生者坎 利建侯建侯者立君也險難在前中久艮止勿用攸 者也占者必從人心之所屬望立之為主斯利矣故 周易集註

金片四月 全書 /· 昧者如天未明坎為月天尚未明昧之象也坎水內 然如天所造作也草者如草不齊震為養草之象也 出險方可故利貞雷震象雨坎象天追者天時使之 震動之才足以奮發有為時當大難能動則其險可 盈滿于兩間天下大亂之象也當此之時以天下則 **景不明于外亦昧之象也雷雨交作雜亂晦冥充塞** 出故大亨然猶在險中時猶未易為必從容以謀其 **未定以名分則未明正宜立君以統治君既立矣未**

象曰雲雷屯君子以經綸 .).) . . . / . . . / 情于聲色則非不寧者矣此則聖人濟屯之深戒也 德故曰大亨貞 終不動也審而後動也屯之元亨利貞非如乾之四 然卦言勿用攸往而录言雷雨之動者勿用攸往非 方可撥亂反正以成請難之功如更始既立日夜級 動而雷雨滿盈即勿用假往建侯而不寧即利建倭 可遽謂安寧之時也必為君者憂勤兢畏不遑寧處 周易集注

初九磐桓利居貞利建侯 录言雷雨象言雲雷录言其動象者其體也上坎為 磐大石也鴻漸于磐之磐也中文艮石之象也桓大 **俾大綱皆正萬目軍舉正君子撥亂有為之時也故** 雲故曰雲雷屯下坎為雨故曰雷雨解經綸者治絲 口君子以經綸 之事草昧之時天下正如亂絲經以引之綸以理之 柱也檀弓所謂桓楹也震陽木桓之象也張橫渠以

金月四庫全書

とこうらたいよう 動可知矣〇九當屯難之初有此剛正大才生于其 在於大途之上震本欲動而艮止不動有柱石欲動 小象日雖磐桓志行正也曰心志在於行則欲動不 不動之象所以居貞而又利建侯非難進之貌也故 石者也故曰磐桓唐之郭子儀是也震為大堂柱石 之極善者國家屯難得此剛正之才乃倚之以為柱 者皆如馬融之釋其實非也八卦正位震在初乃文 **玺桓猶言柱石是也自馬融以磐旋釋磐桓後來儒** 周易集註

象曰雖磐桓志行正也以貴下賤大得民也 到5四月 全量 時故有磐桓之象然險陷在前本交居其正故占者 利於居正以守己若為民所歸勢不可解則又宜建 當屯難之時大才雖磐桓不動然拳拳有潛屯之志 利在民故占者而有所利 侯以從民望教時之屯可也居貞者利在我建侯者 行一不義殺一不辜而得天下不為既有救人之心 而又有守已之節所以占者利居貞而守已也蓋居 卷二

乃字連及 一六二屯如遭如乘馬班如匪冠婚媾女子貞不字十 とこのほとう 也擅皆不能前進之意班與書班師並岳飛班師班 歸附更能自處早下大得民矣此占者所以又利建 侯而救民也 言行正然後濟屯之功德備矣陽貴陰賤以貴下賤 而不貞則無德行而不正則無功周必言居貞孔子 一陽在二陰之下也當屯難之時得一大才泉所 周易集註

一面云四届全書 象也若以人事論光武當屯難之時實融割據志在 字同回還不進之意震於馬為原足為作足班如之 光武為隗嚣所隔乗馬班如也久之終歸于漢十年 中文艮止不字之象也中文坤土土数成于十十之 者許嫁也禮女子許嫁笄而字此女子則指六二也 象也應文為坎坎為盜冠之象也指初也婦嫁曰婚 貞者正也不字者不字於初也乃字者乃字于五也 再嫁曰媾婚媾指五也變完為少女女子之象也字

象曰六二之難乗剛也十年乃字反常也 とこつら シュー 六二居屯之時而又乗剛是其患難也来者居其上 應矣故又有此象也占者當如是則可 久矣惟因初之難六二守其中正不肯與之尚合所 五合使非初之冠難即與五成其城構不至十年之 但桑初之剛故為所難有也遭班如之象不得進與 以不字至于十年之久難久必通乃反其常而字正 年乃字也〇六二桑順中正當屯難之時二與五應 周易集社

六三即鹿无虞惟入于林中君子幾不如舍往在捨音 金号四四分量 養三居中文良之足養之象也虞者虞人也三四為 為剛所乗則華其常矣難久必通故十年乃字而反 即者就也鹿當作養為是舊註亦有作養者養此卦 有麓之象故當作麓非無據也中文艮為山山足曰 也故曰六二之難反常者二五陰陽相應理之常也 ,位虞人之象也入山逐獸必有虞人發縱指示無虞

かんこうこと しょう 象曰即鹿无虞以從禽也君子舍之往吞窮也 乃陷入于林中也坎錯離明見幾之象也舍者舍而不逐 去若往逐而不舍必致羞本其象如此戒占者當如是也 難之時故有即麓無虞入于林中之象君子見幾不如舍 也亦艮止之象也〇六三陰柔不中不正又無應與當屯 者無正應之象也震錯異異為入入之象也上良為木堅 多節下震為好林中之象也言就山足逐獸無虞人指示 孔子恐後學不知即鹿无虞之句故解之曰乃從事 周易集註

六四乘馬班如求婚媾往吉无不利 金分四库全律 吞弱者羞吞窮困也 内而之外曰往如小往大來往蹇來反是也本文變 坎為馬又有馬象求者四求之也往者初往之也自 謂不知象古者矣〇六四陰菜居近君之地當屯難 中文成巽則為長女震為長男婚媾之象也非真婚 于禽也則鹿當作薦也無疑矣舍則不往往則必吝 媾也求賢以濟難有此象也舊說陰無求陽之理可

象曰求而往明也 えて こここ シュー 求者資濟屯之才有知人之明者 也往者 展濟屯 之才有自知之明者也故錯離有明之象故曰明 正之才以濟其屯其吉可知矣而四近其君者亦無 故又有求婚媾之象初于此時若欣然即往資其剛 以有為四乃陰陽正應未有蒙大難而不求其初者 不利也故其占又如此 之時欲進而復止故有乗馬班如之象初能得民可 周易集社

紀坑四屆全書 九五屯其膏小貞吉大貞凶 曹者膏澤也以坎體有膏澤宮潤之象故曰膏詩陰 雨膏之是其義也本卦名屯故曰屯膏陽大陰小六 德有位者但當 屯之時陷于險中為陰所掩雖有六 貞六文惟二五言貞〇九五以陽剛中正居尊亦有 居二九居五皆得其正敌皆稱貞小貞者臣也指二 二正應而陰桑不足以濟事且初九得民于下民皆歸 也大貞者君也指五也故六二言女子貞而此亦言

象曰屯其膏施未光也 とこりを かたり 上六乘馬班如泛血連如 則山也 之時也於為加憂為血卦為水泣血連如之象也才 六爻旨言馬者震攻皆為馬也皆言班如者當屯難 防德所施本光大但陷險中為陰所掩故未光 所居之位如六二為臣小貞則吉如九五為君大貞 之無臣無民所以有屯其膏不得施為之象故占者 周易集註

象曰泣血連如何可長也 **金片四月全書** 既無其才又無其助丧亡可必矣豈能長久 之不去莫知所往昏蒙之象也序卦屯者物之始生 内水乃必行之物遇山而止內既險陷不安外又行 也物生必蒙敌受之以蒙所以次屯 蒙昧也其卦以坎遇艮山下有險艮止在外坎水 桑不足以濟屯去初最遠又無應與故有此象

利貞告古 2 7.10 Ex 1.15 蒙亨匪我求童蒙重蒙求我初益告再三清清則不告 蒙亨者言蒙者亨也不終于蒙也匪我求童蒙二句 告乎三四也凡陽則明陰則暗所以九二發六五之 煩瀆也初益者初益下卦得剛中也此卦坎之剛中 正理也再指四陽一陰二二 再則四矣三指三瀆者 之蒙利貞者教之以正也 在上卦故曰再筮告者二告乎五也不告者二不 .周易集註

金与四月全世 則不告演家也蒙以養正聖功也 **录曰蒙山下有險險而止蒙蒙事以事行時中也匪我** 求重家重家求我志應也初益告以剛中也再三清清 憤悱放發即志應也言我先知先覺先以亨通矣而 後以我之亨行時中之教此蒙者所以可也匪我求 者用也以亨者以我之亨通也時中者當其可之謂 **困于其險進則阻于其山兩無所適所以名蒙也以** 以卦炙卦德釋卦名又以卦體釋卦解險而止退則

1.10 In 1.10 童家童蒙求我乃教人之正道也何也禮聞來學不 之德而五义以中應之則心志應乎我而相孚契矣 聞往教童家求我則彼之心志應乎我而相孚與矣 志不應乎我而不相孚契矣既不相孚契而强告之 所以當告之也初益二字只作下卦二字指教者而 此其所以可教也初益則告者以剛中也我有剛中 其三與剛中發蒙之二不相應與又乘陽不敬則心 言觀比卦再益可見矣益三則應乎其上四則隔乎 周易集社

象曰山下出泉蒙君子以果行育德 金丘匹庫全書 是徒煩瀆乎蒙矣亦何益哉教之利于正者幼而學 聖之城雖在後日作聖之功就在今日當蒙時養之 之象也果行者體坎之剛中以果決其行見善必選 泉乃必行之物姓出而未通達猶物始生而未明象 之學為聖人而已聖人之所以為聖者正而已矣入 利貞也發蒙即養蒙理功乃功夫之功非功效之功 以正雖未即至于聖聖域由此而漸入矣此其所以

初六發蒙利用刑人用說極格以往各說此 20 . Jo ... 1. 1.5 蒙者下民之家也非又指重家也發蒙者敢發其初 不果也而非吾之所謂行佛老之德非不育也而非 果之育之者不過蒙養之正而已是故楊墨之行非 聞義必從不畏難而尚安也育德者體民之静止以 之蒙也刑人者以人刑之也刑罰立而後教化行治 吾之所謂徳所以蒙養以正為聖功 養育其德不欲速寬以居之優游以俟其成也要之 周易集社

金分四库全書 1 蒙之初故利用刑人以正其法桎梏者刑之具也坎 發其蒙也各者利之反變光則和悦矣和悦安能發 之象故豊旅貢三卦有此象皆言欲說者脱也用脱 過夏楚而已本卦坎錯離艮綜震有噬嗑折獄用刑 之具即以桎梏言之非必主于桎梏也朴作教刑不 足外卦艮為手用桎梏之象也因坎有桎梏故用刑 為桎梏桎梏之象也在足曰桎在手曰牿中爻震為 桎梏即不用刑人也變兌為毀折脱之象也往者往 卷二

大己つを こう! 九二包蒙吉納婦吉子克家 象日利用刑人以正法也 蒙豈能發哉本之道也故其象占如此細玩小象自 蒙之象然發蒙之初利用刑人以正其法庶小懲而 見 蒙敌各〇初在下近比九二剛中之賢故有啟發其 教之法不可不正故用刑懲戒之使其有嚴憚也 入誠蒙斯可發矣若舍脱其刑人惟和说以往教之 周易集註 尘

金分四月全書 受坤順之陰納婦之象也子克家者能任父之事也 包者皆外包乎内也泰曰包荒否曰包承包羞始曰 包者裏也婦人懷好包裹其子即胞字也凡易中言 納之婦有諧和之吉也中文坤順在上一陽在下納 有含宏之量數教在寬矣初曰刑者不中不正也上 色魚皆外包乎內包蒙者包容其初之象也曰包則 于初日包于三四五日納于五日克家納婦告者新 日擊者上過剛也此文剛中統治羣陰極善之文故

200 in 2.15 內卦之主統治羣陰當發蒙之任者其德剛而得中 有克家之賢其吉其賢皆自然而然不待勉强諄諄 剛中之德化之如新納之婦有指和之吉承考之子 故有包蒙之象占者得此固吉矣然所謂吉者非止 吉字夫婦指和之吉也坤順故吉〇九二以陽剛為 于色容其初之象也凡三四五之為蒙者二時能以 也納婦吉字與上吉字不同上吉字占者之吉也下 块為中男有剛中之賢能幹五母之盡子克家之象! 周易集社

六三勿用取女見金夫不有躬无攸利取人 **桑曰子克家剛柔接也** 所以占者有子克家之象周公文解以剛中言孔子 此 **聚解並應與言** 訓誨于其間如此而謂之吉也故其占中之象又如 剛五桑二有主蒙之功五之信任專所以二得廣 其數教之才亦如賢子不待訓誨自然而克家也

金好四屆 有言

J. 17:2 1.37 性本陰桑块體順流越下應文艮體常止不相應于 **曖異女之象也九二陽剛乾文也乾為金金夫之象** 之中者故捨其正應而從之此見金夫不有躬之象 下九二為產蒙之主得時之盛益近而相比在納婦 故稱金夫金夫者以金路已者也六三正應在上然 也且中文順體震動三居順動之中比于其陽亦不 不可教者因三麽長女故即以女象之曰勿用取元 有躬之象也岩以蒙論乃自暴自棄昏迷于人欲終 周易集社 十五

金好四届 全書 六四国蒙吝 **象曰勿用取女行不順也** 因蒙者困于蒙昧而不能朋明也六四上下 既遠鴈 為順 婦人以順從其夫為正捨正應之夫而從金夫安得 如有發蒙之責者棄而不教可也 陷之中益蒙昧無知之極者也故有此象占者週此 攸利皆其象也0六三除桑不中不正又居艮止坎

六五童家吉 泉曰国蒙之吞獨遠實也 從九二則隔三欲從上九則隔五遠隔于實者也故 日獨遠實獨者言本卦之陰皆近乎陽而四獨遠也 陽實陰虚實謂陽也六四上下皆陰蒙之甚者也欲 占者如是終于下愚故可羞 之輔助則紫無自而發而困于紫矣故有困紫之象 於陽不得賢明之人以近之又無正應賢明者以為 周易集註

とこつをない

十六

金好四月月十 象回童家之吉順以異也 蒙之象占者如是則吉也 專聽于人而言益中文為坤順五變為巽有此順巽 童匪我求童蒙言重之蒙昧也此則就其統一未散 童蒙者純一未散專心資于人者也民為少男故曰 遠應乎二近比乎上益專心資剛明之賢者故有童 之德所以專心資剛明之賢也〇六五以順異居尊 中文為順發文為異仰於親比上九者順也俯應聽

上九擊蒙不利為冠利樂冠 持戈兵擊殺之象也三與上九為正應敌擊殺之也 從九二者異也親比聽從乎陽正遠實之反所以吉 矣〇上九與三之冠盜相為正應過剛不中治蒙太 也六三在本义為淫亂在上九為冠亂家昧之極可知 文在下蒙昧之人也利禦冠者教上九在上治蒙之人 冠者即坎之冠盗也二冠字相同不利為冠者教三 擊蒙者擊殺之也應文坎為盜錯雜為戈兵良為手 周易集社

象日利用禦冠上下順也 占得此文者若乃在上治蒙之人惟利禦止其冠而 己不可即擊殺之聖人哀於愚蒙之人故兩有所戒 在下蒙昧之人則不利為冠為冠則有擊殺之凶矣 猛故有擊蒙之象聖人教占者以占得此文者若乃 順也艮有止象變坤有順象漸自利雲冠小象亦曰 上九剛止于禦冠上之順也六三柔隨其所止下之

金五四月全書

一 東 東 東 Not like 需有字光亨貞吉利涉大川 肯處進儒之義也序卦家者物之棒也物稱不可不 養也需者飲食之道也養物以飲食所以次蒙 需者須也有所待也理勢不得不需者以卦象論水 順相保可見矣 在天上未遽下于地必待陰陽之交薰蒸而後成需 之象也以卦德論乾性主于必進乃處坎陷之下未 周易集註

部分四屆 全電 貞者事之正也八卦正位坎在五陽剛中正為需之 者此心亨泰不為私欲所室也坎為通亨通之象也 信之在中者也坎體誠信充質于中孚之象也光者 之亦涉大川之象 詳見順卦上九字 頁者盡所 需 主正之象也皆指五也坎水在前乾健臨之乾知險 此心光明不為私欲所蔽也中交離光明之象也亨 需雖有所待乃我所當待也非不當待而待也身者 涉大川之象也又中文 完 綜 異坎水 在前異木臨

رط 有字光亨貞吉位乎天位以正中也利涉大川往有功 **彖曰需須也險在前也剛健而不陷其義不困窮矣需** 人のもり ラーハーラー 險以僥倖則吉矣故利涉大川 以卦德釋卦名以卦綜釋卦辭需者須也理勢之所 心能享信則光明而事通矣而事又出于其正不行 之時需若不正豈有吉利之理〇言事若有所待而 之道光亨吉利者得所需之效需岩無實必無光亨 周易集社 ナ<u>ル</u>

動力四月全書 在正欲其有所待也故有需之義險在前不易于進 雜卦曰需不進也訟不親也位天位以正中者訟下 **卦止可言中不可言正矣正則外無偏倚中則心無** 卦之坎往居需之上卦九五又正而又中也五為天 国霸美所以名儒儒訟二卦同體文王綜為一卦故 不怕于險既不陷于險則終能出其險其義不至于 正當需之時也乾臨之殺然有守不冒險以前進故 位因自公之地位往居之故曰位乎天位如在公下 卷二

泉曰雲上于天需君子以飲食宴樂 くこうえ 雲氣蒸而上升必得陰陽和治然後成雨故為需待 外守正飲食以養其氣體而已宴樂以娱其心志而 之義君子事之當需者亦不容更有所為惟內有字 辭往有功同言訟下卦往而居需之上卦九五正中 夾雜所以有字光亨貞吉往有功與漸蹇解三卦录 己此外别無所作為也曰飲食宴樂者乃居易俟命涵 所以有利涉大川之功也 周易集注 丰

初九需于郊利用恒无咎 故同人小畜皆言郊寓于郊者不冒險以前進也恒 養待時之象也非真必飲食宴樂也若伯夷太公需 正未近于險乃不冒險以前進者故有需郊之象然 无谷者戒之也言若無恒猶有各也〇初九陽剛得 者常也安常守静以待時不變所守之操也利用恒 郊者曠遠之地未近于險之象也彰為郊郊之象也 待天下之清窮困如此豈能飲食宴樂哉

一部分四月全書

象曰需于郊不犯難行也利用恒无各未失常也難乃 へこうこ しこ 九二需于沙小有言終吉 常者不失需之常道也需之常道不過以義命自安 不犯難行者超然遠去不冒犯險難以前進也未失 不變乃其所利也戒占者能如此則无各矣 需于始者或不能需于終故必義命自安恒于郊而 坎為水水近則有沙沙則近于險 矣漸近于險雖未 不胃險以前進而己 周易集註

一金元四庫全書 象曰需于沙行在中也雖小有言以古然也 吉也 之象也終古者變文離明明哲保身終不陷于險也 九二剛中之才責之以拯溺也中交為死口舌小言 世之士知前有坎陷之險責之以潔身用世之士知 至于患害已小有言矣小言者衆人見識之言也避 云有需于沙之象占者如是雖不免小有言終得其 〇二以陽剛之才而居桑守中葢不冒險而進者故 卷二

九三需于泥致冠至 近于險而小有言然以剛中處需故不陷于險而以 泥逼于水将陷于除矣冠之地也坎為盜在前冠之 古終也 衍在中者言水在中央也沙在水邊則近于險矣雖 坎盗故有需泥冠至之象健體敬慎惕若故占者不 **象也○九三居健體之上才位俱剛進不顧前通于** 水行朝宗曰行即水字也凡江河水在中而沙在邊

久との事とち

周易集註

主

象曰需于泥災在外也自我致冠敬慎不敗也 金はロルカイ 六四需于血出自穴 言品 凶 乾乾惕若敬而且慎所以不敗于絕也故占者不言 外而我近之是致冠自我也敬慎不敗者三得其正 坎為血血之象也又為隱伏穴之象也偶居左右上 外謂外卦災在外者言災已切身而在目前也災在

一大との事とき 險故有需于血之象然四與初為正應能順聽子初 為殺傷之地失小泉順聽之古矣〇四交于坎已入于 順子初之陽上六陽來救援皆應與有力九五中正 言雖需于血然猶出自穴外未入于穴之深也需卦 近于坎致冠至及入于坎三文皆吉者何也益六四 觀上六八于穴入字此言出字即出八二字自明矣 所以皆吉也凡看周公爻辭要玩孔子小象若以血 下皆陽亦穴之象也血即坎字非見傷也出自穴者 周易集註 1:1:

象日需于血順以聽也 金ケロルイー 九五需于酒食貞吉 块水酒象中文允食象 詳見困卦酒食宴樂之具需 坎為耳聽之象也聽者聽予初也六四 亲得其正順 險以進雖險而不險矣故其象占如此 也順聽乎初故入險不險 初乃乾剛至健而知險惟知其險是出自穴外不冒 于酒食者安于日用飲食之常以待之而已貞吉者

象日酒食貞吉以正中也 上六入于穴有不速之客三人來敬之終吉 陰居險陷之極入于穴之象也變異為入亦入之象 即永正中 優游和平不多事以自擾無為而治者也故有需于 也下應九三陽合乎 陰陽主上進不召請而自來之 酒食之象其真吉可知矣占者有是貞亦有是吉也 正而自吉也非戒也0九五陽剛中正居于尊位葢 周易集注

弘定四庫全書 象曰不速之客來敬之終吉雖不當位未大失也常去 吉者以三陽至健知險可以拯溺也〇上六居險之 窮困望人救援之心甚切喜其來而敬之之象也終 故不當位也以一陰而三陽之來上六敬之似為失一 位者文位也三乃人位應乎上六故曰人來初與二 象也我為主應為客三陽同體有三人之象也入穴 極下應九三故其象如此占者之吉可知矣 皆地位上六所應者乃人位非地位今初與二皆來 卷二

1,10 tot 1,15 循擇其位之當否而敬有分别是不知權變者矣故 流乎下其行相違所以成訟以卦德論上以剛陵乎 身矣而不知入于其穴其時何時也來救援于我者 訟者爭辨也其卦故下乾上以二象論天運乎上水 失者言雖失而未大也若不知權變自經于溝瀆其 失愈大矣易中之時正在于此 初與二雖不當位上六敬之亦未為大失也曰未大 周易集註

訟有字室惕中吉終凶利見大人不利涉大川 此四者必不與人爭訟所以吉若可已不已必求扶 惕者戒懼而畏刑罰也中者中和而不很愎也人有 有乎者心誠實而不許偽也室者窒塞而能含恐也 所由起也所以次需 序卦飲食者人之大欲存馬既有所需必有所争訟 己險而彼健險與健相持皆欲求勝此必訟之道也 下下以險何乎上以一人言內險而外健以二人 言

銀好四個倉書

2 2.0 玖為加憂惕之象陽剛來居二中之象上九過剛終 水本可以涉大川值三剛在上陽實陰虚遇異風舟 利沙之象也與棟挽同文王卦解其精妙至絕 重遇風則舟危矣舟危豈不入淵故彖辭曰入淵不 之象九五中正以居尊位大人之象中爻巽木下坎 九二中實有字之象一陽沉溺于二陰之間室之象 勝而終其訟則凶利見大人者見九五以決其訟也 不利涉大川者不論事之淺深胃險入淵以與公也 周易集註

得中也終凸訟不可成也利見大人尚中正也不利涉 金云四届全書 彖曰訟上剛下險險而健訟訟有字窒惕中吉剛來而 大川入于淵也 以卦德卦綜卦體卦象釋卦名卦解險健詳見前卦 名訟剛來得中者需訟相綜需上卦之坎來居訟之 下卦九二得中也前儒不知序卦雜卦所以依虞翻 以為卦變剛來居桑地得中故能有多能窒能惕能 下岩健而不險必不生訟險而不健必不能訟所以

象曰天與水違行訟君子以作事謀始 ノハマラ ノニラ 而已矣 遇風其舟危矣故入淵與胃險與訟必陷其身者 始則訟端絕矣作事謀始工夫不在訟之時而在于 主在中正也惟中正所以能辨人是非入淵者舟重 中終者極而至于成也訟已非美事若訟之不已至 于共極其凶可知矣尚者好尚之尚主也言九五所 天上蟠水下潤天西轉水東注故其行相違謀之于 周易集註

初六不永所事小有言終古 為言亦言之象也因居初故曰小終吉者得辨明也 意天下之事莫不皆然故曰曹劉共飯地分于七節 有言語之辨白而已慶名為口舌言之象也應文乾 見五代史 之間蘇史滅宗念起于談笑之頃蘇達吉史弘文俱為令 不永所事者不能永終其訟之事也小有言者但小 未訟之時也與其病後能服藥不若病前能自調之

欠とりたとう 象曰不水所事訟不可長也雖小有言其辯明也 九二不克訟歸而逋其邑人三百户无青 亦如此長水二字相同雖不免小有言語之辨然終 得以辨明故其象如此而占者終得吉也 小有言語之辨然溫柔和平自能釋人之忿怨所以 因此言辨明 訟不可長以理言也言雖是初六陰桑之故然其理 〇初六才柔位下不能水終其訟之事雖在我不免 周易集社

我好四屆 看書 因自上而下故曰來曰歸其字皆有所本如此玄妙 訟之九二即需之九五日剛來而得中日歸而連皆 隱仗道之象也邑人詳見謙卦中文為離次錯離雜 如此小色藏避不敢與五為敵方可免青需訟相緣 所通流之邑為大邑則猶有據邑之意跡尚可疑必 居三三百之象也二變下卦為坤坤則闔户之象也三 **克勝也自下訟上不克而還故曰歸逋逃避也坎為** 百言其邑之小也言以下訟上歸而逋竄是矣然使

象曰不克訟歸逋竄也自下訟上患至扱也 とこうないとう 白處界小以免災患故其象如此占者如是則无青 歸逋愈者不與之訟也擬者拾取也自下訟上義乖 矣 剛為險之主本欲訟者也然以剛居柔之中既知其 宣粗浮者所能解坎為青變坤則無青矣0九二陽 勢屈禍患猶拾而自取此言不克訟之故 理之不當訟而上應九五之尊又知其勢不可訟故 周易集計 支

六三食舊德貞屬終古或以王事无成 金号四月 全量 德與穢德彰聞閨門輕德之德同乃惡德也德乃行 事如宋之與金是也變異不果或之象也中文離日 中文異綜紀口食之象也王事者王家敵國您爭之 **畜于胸中必欲報復所以訟也食者吞聲不言之意** 必舊日有懷恨不平之事有此懷恨其人之惡德藏 而有得往日之事也故以舊字言之几人與人爭訟 王之象也應文乾君亦王之象也無成者不能成功

べんしつ ローノ・シャ 舊德之桑處下民之剛强敵國則可若以此處王國 侵陵雖正亦不免危厲矣但六三含恐不報從其上 甲故有食人舊德不與爭辯之象然應與剛猛常受 首稱臣安得有成〇六三上有剛强之應敵陰桑自 也下民之爭訟主于怯王家之爭訟主于才以此食 順有餘而剛果不足安能成王事哉改占者乃下民 之剛强敵國是即宋之于金桑弱極矣禦侮無人稽 九與之相好所以終不為已害而吉也如此之人桑 周易集註

超另四屆 全書 象曰食舊德從上古也 九四不克訟復即命渝安貞吉 陵之惡德相從乎彼與之相好則古矣 從上者從上九也上九剛猛六三食其舊日剛猛侵 象也中文異四慶亦為異命之象也渝暖也四慶中 文為震變動之象也故随卦初文曰渝安貞者安處 即就也命者天命之正理也不曰理而曰命者有此 之應敵則吉或王事之應敵則無成而凶

へたり シュー 克者理也知理之不可違故復即于命曰復者明理 通逃日歸者識時勢也四之訟者剛之使然也其不 義也九四之復即九二之歸皆以剛居舜故能如此 險之使然也其不克者勢也知勢之不可敵故歸而 貞者內而變其忿爭之心也心變則事正矣吉者雖 不能作事于謀始之先亦能改圖于有訟之後也九 二九四皆不克訟既不克矣何以訟哉益二之訟者 于正也復即于命者外而去其怨爭之事也變而安 周易集注 二 =+=

九五訟元吉 泉曰復即命渝安貞不失也 留好四届全書 者也凡訟占者遇之則利見大人訟得其理而元吉矣 始而欲訟不免有失令既復渝則改圖而不失矣 九五為訟之主陽剛中正以居尊位聽訟而得其平 有復即命渝安貞之象占者如是則吉也 玩之0九四剛而不中既有訟之象以其居舜敌又 人能明理義識時勢處天下之事無難矣學者宜細

象曰訟元吉以中正也 上九或錫之聲帶終朝三號之聲音盤號 שונים בישום ו 或者設或也未必然之解雄帶大帶命服之飾又紳 復即命中文離日朝日之象也離日居下卦終之象 中則聽不偏正則斷合理所以利見大人而元吉 也又居三三之象也就奪也坎為盗被奪之象也命 也男輩革女輩綠乾為衣又為園帶之象也乾君在 上變為兒口中交為異命令錫服之象也故九四日 周易集註

象曰以訟受服亦不足敬也 金分四月全量 服以錫有德豈有賞訟之理乃設言也極言訟不可 縱受亦不足散况褫奪隨至其不可終訟也明矣 知矣 終之意〇上九有剛猛之才處訟之終窮極于訟者 能長保故終一朝而三見褫奪也即象而占之凶可 理也設若能勝至于受命服之實是亦仇爭所得官 也故理人言人肆其剛强窮極于訟取禍丧身乃其

ושל אלום ושל לנו מוום ...

| | | | _ | | | | | |
|--------|-------------|---------|---|---|-------------|----------|------------|---------|
| 周易集註卷二 | | | | | | | | 金りではんまで |
| 卷二 | | | | | | | | _ |
| | | | | | | | | |
| | | | | | | | 4 | * |
| | | | | | | | | |
| | | | | | | | , | |
| | | | | | | | , | |
| | · | | | | | l I | | |
| | | | | | | | | |
| | | | • | | | | | _ |
| | | | | | | | | |
| L | | <u></u> | · | · | | <u> </u> | <u></u> _L | = |